

Isumaginninnermi Naammagittaalliuteqartarfik



SOOQ ISUMAGINNINNERMI NAAMMAGITTAALLIUTEQARTARFIMMUT NAAMMAGITTA ALLIUSSAANGA?

Isumaginninnermi naammagittaalliuteqarfik isumaginnittoqarfiit allaffissornikkut immikkoortortaqaarfiini qullersaavoq, isumaginnittoqarfimmi naammagittaalliutinik suliaqartartoq, siusinaarlunili soraarnerussutisiat pillugit naammagittaalliutit pinnagit.

Tassa ima isumaqarpoq kommunip aalajangiinerinut tunngasunik, assersuutigalugu utoqqalinersiat allannguutaannut, boligsikringi, innarluuteqarnermi ikiyeqarnissamut itigartinneqarneq, soorlu ator-torissaarutit imaluunniit inuup ikorfartortip sulinerata sivilissusia pillugit naammagittaalliuteqartarfik naammagittaalliorfissaraat. Kommunip oqaasiinnakkut allakkatigulluunniit aalajangiineri pillugit isumaginninnermi naammagittaalliuteqartarfimmut naammagittaalliorsinnaavutit.

Aammattaaq Isumaginninnermut Naalakkersuisoqarfiup nunani avannarlerni pensionisiat pillugit aalajangiineri Isumaginninnermi Naammagittaalliuteqartarfimmut naammagittaalliutigisinnaavutit.

QAQUGUKKUT ISUMAGINNINNERMI NAAMMAGITTAALLIUTEQARTARFIMMUT NAAMMAGITTAALLIORSINNAAVUNGA?

Kommunip oqaasiinnakkut imaluunniit allakkatigut aalajangiinerata kingorna kingusinnerpaamik sa-paatit akunneri 6-it qaangiutsinnagit naammagittaalliuteqassaati. Tamannali taamaallaat atuuppoq kommunip allakkatigut naammagittaalliornissamut ilitersuussimappatit.

QANOQ ILILLUNGA NAAMMAGITTAALLIUTEQASSAANGA?

Naammagittaalliuteqarnissamut periarfissat ukuupput:

- Naammagittaalliummik immersuiffissaq [onlinekkut immersorlugu Isumaginninnermi Naammagittaalliuteqartarfimmut](#) naammagittaalliummik immersuiffissaq imaluunniit pappiaaq anillatseriarlugu, nammineq immersoriarlugu nalinginnaasumik allakkatigut nassiullugu.

- Allakkiorlutit uungalu nassiullugu Imaneq 29.1.Sal, 3900 Nuuk. Postboks 689.
- Emailimik nassiussillutit uunga maalaarut@nanoq.gl
- Sianerlutit uunga normumut 32 80 33
- Imaneq 29.1.Sal, 3900 Nuuk-mut nammineq saaffiginnillutit

MALUGIUK. Allakkatigut aalajangiineq pappiaqqallu allat kommunimeersut ilanngukkukkit iluaqutaas-saaq, ass. mailikkut allaqatigiinnerit, nakorsamit allagarsiussaq, peqqissaasup oqaaseqaatai imaluunniit Pissassarfimmit oqaaseqaatit il.il. Pappiaqqat taakku aalajangiisoqarnerata eqqortuunnginneranik uppersaataasinaapput.

NAAMMAGITTAALLIOREERUMA QANOQ ILIUSSAANGA?

Naammagittaalliutit suliarineqartarnerisa agguaqatigiissillugu massakkut sivilissuseraa qaammatit pingasut affarlu, tassa imaappoq qaammatit pingasut affarlu qaangiuppata Isumaginninnermi Naammagittaalliuteqartarfimmit akissutisinnissat naatsorsuutigissavat.

ISUMAGINNINNERMI NAAMMAGITTAALLIUTEQARTARFIUP NAAMMAGITTAALLIUTIGINEQARNERA


Isumaginninnermi Naammagittaalliuteqartarfiup aalajangiussai inaarutaasumik aalajangiine-rusarput taamaattumillu allaffissornikkut ingerlatsisunut allanut naammagittaalliutigineqar-sinnaanngillat, aalajangiinerilli eqqartuussiveqarfinnut tunniunneqarsinnaapput.

Qanoq pisoqarnerani Isumaginninnermi Naammagittaalliuteqartarfirmut naammagittaalliuteqarsinnaanermut assersuut



Inuk issiavini assakaasulik meeqqanoortoq mikigileramiuk kommunimut qinnuteqarpoq nutaa mik anginerusumillu issiavimmik assakaasulimmik pisaarsulluni. Kommunip itigartippaa tun ngaviliissutigalugu issiavini assakaasulik sulit atorsinnaammagu.

Taamaattumik Inuk naammagittaalliuteqarniarpoq, kommunip aalajangenera naammagittaalliutiginarlugu Isumaginninnermi Naammagittaalliuteqartarfirmut naammagittaalliummik immersuivoq.



Isumaginninnermi Naammagittaalliuteqar tarfiup Inuup naammagittaalliutaa tiguaa, Inummullu tunngasunik paasissutissanik kommunimut pisaarsiniarpoq. Naammagit taalliutit suliarinerani Isumaginninnermi Naammagittaalliuteqartarfiup nalilerpaa kommuni kukkusumik aalajangiisimasoq suliarlu Inummullu tunngasoq kommunimut utertillugu suliareqqitassanngorlugu.

Kommunip suliaq aallarteqqippaa Isumaginninnermi Naammagittaalliuteqartarfiullu aalajangiinera tunngavigalugu kommuni aalajangerpoq Inuk nutaamik anginerusumillu issiavimmik assakaasulimmik pisaassasoq.

